



Broj: 26-49-107-6/12
Sarajevo, 19.07.2012. godine

KANTON SARAJEVO
SKUPŠTINA

PREDMET: Odgovor na pitanje zastupnice Bajramović Srna Segmedina

Zastupnica Bajramović Srna Segmedina je na 16-oj Radnoj sjednici Skupštine Kantona Sarajevo, održanoj dana 19.06.2012. godine, u okviru tačke dnevnog reda „Zastupnička pitanja, inicijative i odgovori“ - podsjetivši da Kanton Sarajevo ima i Zavod za informatiku i statistiku, te da je opravdano na dugotrajnom bolovanju saradnik koji upravlja tehnikom, već više od šest mjeseci postoji problem da se obezbjedi stručno lice za ovaj segment rada Skupštine, da u Zavodu za informatiku i statistiku postoji kvalificirana osoba, ali direktor Timur Gadžo odbija suradnju sa skupštinom, čak po dobivenim informacijama odbija primiti dopise u kojima ga se poziva na suradnju, odnosno da obezbjedi suradnika koji ne brine samo ovdje o mikrofonima, nego i o elektronskom glasanju, o audio i video zapisu itd - postavila poslaničko pitanje:

"Ko može narediti direktoru Zavoda za informatiku i statistiku da radi svoj posao?"

Iako pitanje nismo dobili službenim putem, pitanje se kao neodgovoreno nalazi na Internet stranici Skupštine, adresa <http://skupstina.ks.gov.ba/sjednica/3387>, te u zapisniku sa sjednice.

U skladu sa navedenim, ZIS daje sljedeći

- o d g o v o r -

Zavod za informatiku i statistiku (ZIS) pruža informatičku podršku organima Kantona po čl 25. Zakona o organizaciji organa uprave.

Nikada prije nismo pružali podršku za vođenje sjednica Skupštine. Radi se tehničkoj podršci nivoa operatera koja nema veze sa IKT sistemom Kantona, i za koju se može obući bilo koji zaposlenik Službe za skupštinske poslove (SSP), kao što je obučen i zaposlenik ZIS, te se uopće ne radi o određenoj kvalificiranoj osobi za vođenje tehnike. Osiguranje ove podrške je bila obaveza SSP.

U Uredbi o osnivanju SSP stoji:

Služba (za skupštinske poslove) obavlja .. stručno - operativne, administrativno - tehničke i druge poslove za potrebe Skupštine Kantona Sarajevopripremanje, sazivanje i održavanje sjednica Skupštine...

Ovdje se dakle ne radi o obavezi ZIS, već o ustupanju zaposlenika drugoj kantonalnoj organizaciji. Navedeno pitanje spada u interno pitanje organizacije rada Kantona.

Slučaj je na kraju riješen zahtjevom premijera da ZIS za navedene poslove delegira jednog zaposlenika, kojeg je tražila SSP, što je i urađeno.

Treba znati da ZIS ima samo dio resursa u vezi informatike te da:

- ZIS ima tek 10 zaposlenih u informatici (uključujući direktora) od nekih 40-ak zaposlenika u informatici u Kantonu,
- IKT nabavka kojom raspolaže ZIS je vrlo mala i predstavlja samo 3% od procjene IKT nabavki u Kantonu,
- ZIS nije uključenu najveće projekte informatizacije u Kantonu itd.

Radi načina kako je formulirano pitanje, treba dodati i ovo:

Direktor je od 2008. od obične kantonalne administracije, unapređenjem procesa, orijentacijom na savremene tehnologije, obukom i usmjeravanjem postojećih uposlenika, zapošljavanjem dijela novih i svakako svojim radom, od ZIS i pored ukupno skromnih resursa napravio najuslužniju i najbolju servisnu organizaciju. Zaposlenici ZIS djeluju u timu i po sistemu.

Ne postoji zahtjev, nekamoli nalog Vlade, koji nije realiziran. Vlada pak već godinama nije bila zainteresovana za rad ZIS. S druge strane, na brojne inicijative ZIS prema drugim organizacijama često uopće nema odgovora.

To sve možda nije poznato zastupnicima jer Izvještaji o radu ZIS za 2010. i 2011. nisu razmatrani na Vladi i Skupštini.

S druge strane, Vladi bi trebalo da jeste, jer je to sve navedeno u brojnim izvještajima i materijalima.

Vlada je, nakon Izvještaja o radu direktora za 2011. godinu broj: 26-05-92-2/12 od 12.03.2012. godine, koji je dostupan u ZIS, istoga ocijenila ocjenom "izuzetno uspješan".

U vezi navoda da direktor odbija suradnju sa Skupštinom, treba navesti da je ZIS uradio dosta za Skupštinu. I to sve na inicijativu direktora.

Tako, što se tiče IKT podrške tijelima Skupštine, ona pored uobičajene informatičke podrške uključuje i znatan rad na Internet stranici Skupštine, koja je najsloženija kantonalna stranica, ali koja je i pored znatnog napretka nažalost nedovoljno iskorištena.

Pored toga, više puta u proteklim godinama smo slali prijedloge da se unaprijedi rad, priprema materijala za sjednice, elektronizira proces, napravi prezentacija zastupnicima...

Na ovakve ključne inicijative nije bilo odgovora niti je iskazan interes.

Nadamo se stoga unapređenju naše saradnje, za što stojimo na raspolaganju.

S poštovanjem,

DIREKTOR

Timur Gadžo, dipl.ing.el.

Dostaviti:

- Naslovu,
- a/a